

اتوار 29 مارچ، 2020ء

مضمون۔ اصلیت

سنہری متن: یوحنا 19 باب 11 آیت

”جے تینوں اُتوں نہ دتا جاندا تے تیرا میرے اُتے کجھ اختیار نہ ہندا“۔ یسوع مسیح

جوابی پڑھائی: رومیوں 13 باب 1 آیت

1 تواریخ 29 باب 11، 12 آیتاں

زبور 145: 10 توں 13 آیتاں

1۔ ہر بندہ اعلیٰ حکومتاں دانا بعد ارہوے کیوں جے کوئی حکومت اجیہی نہیں جیہڑی رب دلوں نہ ہووے۔  
11۔ اے خداوند حکمت، عظمت تے قدرت تے جلال تے غلبہ تے حشمت تیرے لئی ای نہیں کیوں جے سب  
کجھ جیہڑا آسمان تے دھرتی وچ اے تیرا ای اے۔ اے خداوند بادشاہی تیری اے تے تُوں ای سردار دی حیثیت  
دے طور تے ساریاں توں افضل ایں۔

12- تے دولت تے عزت تیرے ولوں آؤندی اے تے توں ساریاں اُتے حکومت کردا ایں تے تیرے ہتھ وچ قدرت تے توانائی اے تے اُچا کرنا تے ساریاں نوں زور بخشنا تیرے ہتھ وچ اے۔

10- اے خداوند تیری ساری مخلوق تیرا شکر کرے گی۔ تے تیرے مقدس تینوں دھن آکھن گے۔

11- تے تیری سلطنت دے جلال دا بیان تے تیری قدرت دا چرچا کرن گے۔

12- تاں جو بنی آدم اُتے اوہدی قدرت دے کماں نوں تے اوہدی سلطنت دے جلال دی شان نوں ظاہر کرن۔

13- تیری سلطنت ہمیشہ دی سلطنت اے۔ تے تیری حکومت پیڑی توں پیڑی تیکر اے۔

## درسی وعظ

## بائبل وچوں

1- پیدائش 1 باب 1، 3، 7، (توں)، 21 (توں دو جا)، 26 (حکومت کرے)، 27 (توں)، 31 (توں پہلا)  
آیتاں

1- رب نے شروع وچ دھرتی تے آسمان نوں پیدا کیتا۔

3- تے رب نے آکھیا لو ہو جاتے لو ہو گئی۔

7- تے رب نے فضا نوں بنایا۔

21- تے رب نے وڈھے وڈھے دریائی جانوراں نوں تے ہر طراں دے جانداراں نوں پیدا کیتا۔

26- فیر رب نے آکھیا اسی انسان نوں اپنی صورت تے اپنی شبیہ وانگر بنائیے تے اوہ۔۔۔ اختیار رکھن۔

27- تے رب نے انسان نوں اپنی صورت اتے پیدا کیتا۔

31- تے رب نے سب کجھ اتے جو اوہنے بنایا اسی نظر کیتی تے دیکھیا پئی بوہت چنگاے۔

## 2- یسعیاہ 43 باب 10، 11، 13 آیتاں

10- خداوند آکھدا اے پئی تسی میرے گواہ اتے میرے خادم وی جنماں نوں میں بر گزیدہ کیتا تاں جو تسی جانو تے میرے اتے ایمان لیاو تے سمجھو پئی میں اوہ ای آں۔ میتھوں پہلاں کوئی رب نہ ہوئی تے میرے بعد وی نہ ہووے گا۔

11- میں ای یہوواہ واں تے میرے علاوہ کوئی بچاون والا نہیں۔

13- آج توں میں ای واں تے کوئی نہیں جیہڑا میرے ہتھوں چھڑا سکے۔ میں کم کراں گا۔ کون اے جیہڑا ایہنوں رد کرے؟

## 3- متی 4 باب 23 آیت

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیہڑا بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاے۔

23- تے یسوع سارے گلیل وچ پھر دارہیاتے اوہناں دے عبادتخانیاں وچ تعلیم دینداتے بادشاہی دی خوشخبری دی منادی کرداتے لوکاں دی ہر طرف دی بیماری تے ہر طرف دی کمزوری نوں دور کردارہیا۔

#### 4- متی 9 باب 1 توں 8 آیتاں

- 1- فیرا وہ کشتی اُتے چڑھ کے پار گیا تے اپنے شہر وچ آیا۔
- 2- تے ویکھو لوک اک مفلوج نوں منجی تے پیا ہونیا اوہدے کول لیائے۔ یسوع نے اوہناں دا ایمان ویکھ کے مفلوج نوں آکھیا پتر خاطر جمع رکھ تیرے پاپ معاف ہوئے۔
- 3- تے ویکھو بعض فقہیاں نے اپنے دل وچ آکھیا ایہہ کفر بک دا اے۔
- 4- یسوع نے اوہناں دے خیال جان کے آکھیا تسی کیوں اپنے دل وچ بُرے خیال لیاؤندے او۔
- 5- سو کھاکہ اے۔ ایہہ آکھنا پئی تیرے پاپ معاف ہوئے یا ایہہ آکھنا پئی اٹھ تے تڑ پھر؟
- 6- پرائس لئی پئی تسی جان لوو کہ آدم دے پتر نوں دھرتی اُتے پاپ معاف کرن دا اختیار اے۔ اوہنے مفلوج نوں آکھیا اٹھ اپنی منجی چک تے اپنے گھر تڑ جا۔
- 7- اوہ اٹھ کے اپنے گھر تڑ گیا۔
- 8- لوک ایہہ ویکھ کے ڈر گئے تے رب دی تعجید کرن لگے جنہ بندیاں نوں اجیہا اختیار بخشیا۔

## 5- متی 21 باب 23 آیت

23- تے جدوں اوہ ہیکل وچ آ کے تعلیم دے رہی اسی تے سردار کاہناں تے قوم دے بزرگاں نے اوہ دے کول آ کے آکھیا توں ایہناں کماں نوں کیس اختیار نال کردا ایں؟ تے ایہہ اختیار تینوں کنسے دتا؟

## 6- متی 22 باب 15، 29 آیتاں

15- اوس ویلے فریسیاں نے جا کے مشورہ کیتا پئی اوہنوں کیویں گلاں وچ پھسائیے۔  
29- یسوع نے جواب وچ اوہنوں آکھیا پئی تسی گمراہ ادا ایں لئی کہ نہ پاک کتاب نوں جان دے او نہ رب دی قدرت نوں۔

## 7- یوحنا 14 باب 10 (الفاظ)، 12 (توں پہلا) آیتاں

10- ایہہ گلاں جیہڑیاں میں تہانوں آکھداں اپنے ولوں نہیں آکھداں پر پو میرے وچ رہ کے اپنے کم کرداے۔  
12- میں تہانوں سچ آکھداں پئی جیہڑا میرے اُتے ایمان رکھداے ایہہ کم جیہڑے میں کرداں واں اوہ وی کرے گا۔

## 8- اعمال 3 باب 1، 2، 4، 6، 8، 11، 12 آیات

- 1- پطرس تے یوحنا د عادے ویلے یعنی تیجے پہر ہیکل نوں جارہے سی۔
- 2- تے لوک اک پیدا نشی لنگڑے نوں لیارے سی جنہوں ہر روز ہیکل دے بوہے اُتے بٹھا دیندے سی جیہڑا خوبصورت اکھواندا اے۔ تاں جو ہیکل وچ جاوَن والیاں توں منگے۔
- 4- پطرس تے یوحنا نے اوہدے اُتے دھیان نال نظر کیتی تے پطرس نے آکھیا ساڈے ول ویکھ۔
- 6- پطرس نے آکھیا چاندی سوننا تے میرے کول ہے نہیں پر جو میرے کول ہے اے اوہ تینوں دیناواں۔ یسوع مسیح ناصری دے ناں توں تُوں پھر۔
- 7- تے اوہدا سجاہتھ پھڑکے اوہنوں چلیا تے اوہدے پیرتے گئے مضبوط ہو گئے۔
- 8- تے اوہ چھال مار کے کھڑا ہو گیا تے تُوں پھر نال لگ پیا تے چھالاں ماردا تے رب دی وڈیا نی کردا ہو نیا اوہناں دے نال ہیکل وچ گیا۔
- 11- جدوں اوہنے پطرس تے یوحنا نوں پھڑیا ہو نیا سی تے سارے لوک بوہت حیران ہو کے اوہدے برآمدے ول جیہڑا سلیمان دا اکھواندا اے اوہناں دے کول نئے آئے۔
- 12- پطرس نے ایہہ ویکھ کے لوکاں نوں آکھیا اے اسرا ئیلیو! ایہدے اُتے تُوں کیوں حیران ہندے اوتے ساہنوں ایس طراں کیوں ویکھ رے اوہی جیویں اسی اپنی قدرت یادینداری نال ایس بندے نوں تُوں پھر دا کر دتا۔

## 9- 2 پطرس 1 باب 2، 3، 16 آیتاں

- 2- رب تے ساڈے خداوند یسوع دی پچھان دے پاروں فضل تے اطمینان تہانوں بوہتا ملدا رہوے۔
- 3- کیوں جے اوہدی الہی قدرت نے اوہ ساریاں شیواں جیہڑیاں حیاتی تے دینداری دے بارے نیں ساہنوں اوہدی پچھان دے پاروں عنایت کیتیاں جنسے ساہنوں اپنے خاص جلال تے نیکی دے پاروں سدیا۔
- 16- کیوں جے جدوں اسی تہانوں اپنے خداوند یسوع مسیح دی قدرت تے آمد توں واقف کیتا سی تے دعا بازی دیاں گھڑیاں ہوئیاں کہانیاں دی پیروی نیں کیتی سی بلکہ اپنے آپ اوہدی عظمت نوں دیکھیا سی۔

## 10- افسیوں 1 باب 16 (شکر گزاری لئی)، 17، 18 (توں؛)، 19، 21 آیتاں

- 16- شکر کرن توں باز نیں آؤندا۔
- 17- پئی ساڈے خداوند یسوع مسیح دارب جیہڑا جلال دا پیو اے تہانوں اپنی پچھان وچ حکمت تے مکاشفے دی روح بخشنے۔
- 18- تے تہاڈے دل دیاں اکھیاں روشن ہو جان۔
- 19- تے ساڈے ایمان لیاون والیاں لئی اوہدی قدرت کنسی بے حد اے۔ اوہدی وڈھی قدرت دی تاثیر دے مطابق۔

21- تے ہر طراں دی حکومت تے اختیار تے قدرت تے ریاست تے ہر اک ناں توں اچا کیتا جیہڑا نہ صرف ایس جگ وچ بلکہ آؤن والے جگ وچ وی لیا جاوے گا۔

## 11- افسیوں 3 باب 14، 15، 20 (جیہڑا)، 21 آیتاں

14- ایس پاروں میں اوس خداوند یسوع مسیح دے پیو دے آگے گوڈے ٹیکداواں۔

15- جیدے نال آسمان تے دھرتی دا ہر خاندان نامزداے۔

20- جیہڑا جیہا قادر اے پئی اوہدی قدرت دے مطابق جیہڑی ساڈے وچ تاثیر کردی اے ساڈی درخواست تے خیال توں بوہت زیادہ کم کر سکدا اے۔

21- کلیسیا وچ تے مسیح یسوع وچ پیڑی توں پیڑی تیکر ہمیشہ اوہدی تعریف ہندی رہوے۔ آمین۔

## سائنس تے صحت

1- 27-26:478

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔



بس اوہ ای اصلی اے جیہڑا رب دی عکاسی کردا اے۔

2- 228:25 صرف

رب توں وکھ کوئی طاقت نہیں اے۔

3- 207:20-23

ایتھے بس اک بنیادی وجہ اے۔ ایس لئی کسے ہو رو وجہ دا کوئی اثر نہیں ہو سکدا، تے ایتھے صفر وچ کوئی اصلیت نہیں ہو سکدی جیہڑی ایس اعلیٰ تے کلی وجہ توں ماخوذ نہیں ہو سکدی۔

4- 108:19-29

جدوں ظاہری طور تے مادی وجودیت دی حد اں دے نیہرے، موت دی وادی دے پر چھاویں بیٹھاں پہلاں توں کھلوتے ہوئے، میں الہی سائنس وچوں ایہہ سچیاں سکھیاں نیں: پئی سارے سچے بندے رب، یعنی الہی سیان وچ نیں، تے ایہہ پئی حیاتی، سچیاں تے محبت قادر مطلق تے ازلی نیں؛ پئی سچیاں دا مخالف، جنہوں غلطی، بیماری، موت آکھیا جاندا اے، مادی سوچ دی جھوٹی مادی سیان دی جھوٹی گواہی اے، پئی ایس جھوٹی

سیان وچ، ایمان دے لحاظ نال، مادی سوچ دی نفسی حالت شامل ہندی اے جنہوں نام دی سیان مادا آکھدی اے، ایس طراں روح دی اصلی سیان ڈک جاندی اے۔

5- 12-10:275

ہستی دی اصلیت تے ترتیب نوں اوہدی سائنس وچ پھڑن لئی، اوہ سب کجھ جیہڑا اصلی اے اوہدے الہی اصول دے طور تے تہانوں رب دا تصور کرنا شروع کرنا چاہیدا اے۔

6- 8-28:515

ہن انسان دا ایہدے الہی اصول، یعنی رب دے نال شیشے دے سامنے موازنہ کریئے۔ شیشے نوں الہی سائنس آکھئے تے انسان نوں پرچھانوواں آکھئے۔ فیروہیان کریئے پئی کر سچن سائنس دے مطابق پرچھانوواں ایہدے اصل دے نال کنہاں اصلی اے۔ جیویں شیشے وچ تہاڈا پرچھانوواں دکھائی دیندا اے، اونج ای روحانی ہندیاں ہوئے تسی رب دا پرچھانوواں او۔ مواد، حیاتی، ذہانت، سچائی تے پیار جیہڑے رب نوں بناؤندے نیں، اوہدی بنائیاں ہوئیاں شیواں توں منعکس ہندے نیں؛ تے جدوں اسی بدنی حساں دی جھوٹی گواہی نوں سائنسی حقیقتاں دے بیٹھاں کر دیندے آں، تے اسی ایس اصلی مشابہت تے پرچھانوویں نوں ہر پاسے ویکھاں گے۔

7- 28-23:52 (توں)۔

رب دے اعلیٰ ترین نمائندے نے، الٰہی اصول دی عکاسی لئی انسانی قابلیت دے بارے گل کردیاں  
ہوئے، اپنے چیلیاں نوں پیشین گوئی دے طور تے نہ صرف اپنے دور بلکہ ہر دور لئی آکھیا: ”جیہڑا میرے اُتے  
ایمان رکھدا اے ایہہ کم جیہڑے میں کرداواں اوہ وی کرے گا؛“

8- 14-9:11

کر سچن سائنس دی جسمانی شفا الٰہی اصول دے کم نال ہن، یسوع دے زمانے وانگر، سامنے آؤندی اے،  
جیدے توں پہلاں پاپ تے بیماریاں دے ضمیر وچ اپنی اصل کھودیندے نیں تے اتخ فطری تے لازمی طور  
تے گواچ جاندے نیں جیویں، ہنیر الونوں تے پاپ درستگی نوں تھماں دیندے نیں۔

9- 32-28، 15-12:418

تھاڈے اُتے ایہہ واضح ہو جانا چاہیدا اے پئی پاپ نالوں بیماری ہستی دی بوہتی اصل نیں اے۔ پاپ، بیماری  
تے موت دا ایہہ فانی سُفناں کر سچن سائنس دے پاروں رُکنا چاہیدا اے۔

غلطی دی ہر شکل دے نال سچ بولیے۔ رسولیاں، ناسور، تپ دق، سوج، پیڑ جوڑاں دی سوزش ٹردے پھر دے  
سُفناں دے پر چھانویں، فانی سوج دے، ہنیر خیال نیں جیہڑے سچائی دے چانن توں نس دے نیں۔

بائبل دا ایہہ سبق پلین فیلڈ کر سچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کر سچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

## 10- 14-32:192

میںوں لین وچ مسٹر کلارک نوں ملن دی دعوت دتی گئی، جیہڑاچھ مہینیاں توں کمردی بیماری دے پاروں منجے اُتے پیاسی، جدوں اوہ جوان سی تے اک لکڑی داوڈھا کل اوہدے اُتے ڈگنا ایس بیماری دی وجہ سی۔ گھر وچ وڑھدیاں ہوئے میں اوہدے ڈاکٹرنوں ملیا، جنہے آکھیا پئی ایہہ مریض مر رہیاسی۔ ڈاکٹر نے اوہدی پشت اُتے اک ناسوردی تشخیص کیتی سی، تے آکھیا پئی ہڈی کئی انچ تیکر سڑ گئی سی۔ ایٹھوں تیکر پئی اوہنے میںوں وی اوہ تحقیقی وکھائی، جیدے اُتے ہڈی دی ایس حالت دا ثبوت ملداسی۔ ڈاکٹر باہر نڑ گیا۔ مسٹر کلارک اپنیاں جمیاں تے بے بصر آکھیاں دے نال لمے پیاسی۔ موت دی تریل اوہدے متھے اُتے سی۔ کجھ ویلے وچ اوہدا گھڑا بدل گیا؛ اوہدی موت دے زرد رنگ نے فطری رنگ نوں جگہ دتی،۔ پلکاں ہولی ہولی بند ہو گئیاں تے ساہ وی ہولی چلن لگی؛ اوہ سوں گیا سی۔ قریباً دس منٹ بعد اوہنے اپنیاں آکھیاں کھولیاں تے آکھیا: ”میںوں نوے انسان جیہا لگ رہیا اے۔ میریاں ساریاں تکلیفاں دور ہو گئیاں نیں۔“

## 11- 21-20،19-17:193

میں اوہنوں اٹھن، کپڑے بدلن تے اپنے خانوادے دے نال شام دی روٹی کھان نوں آکھیا۔ اوہنے اینج ای کیتا۔ اگلے دن میں اوہنوں ویہڑے وچ ویکھیا۔۔۔ زخم دار سنا بند ہو گیا سی، تے اوہدا زخم چنگا ہو گیا سی۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری سیکریٹری دی لکھی ہوئی کچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

## 12- 6-32:243

کیوں جے رب نیک تے سارے جانداراں دا سرچشمہ اے، اوہ اخلاقی یا بدنی بد صورتی پیدا نہیں کردا؛ ایس لئی اجیہا وگاڑا اصلی نہیں بلکہ نظر دا دھوکا تے غلطی دا سراپا اے۔ الہی سائنس ایہناں وڈھیاں اصلیتاں نوں ظاہر کردی اے۔ ایہناں دی نیوآتے کسے وی شکل وچ نہ غلطی توں ڈردیاں ہوئے نہ ای اوہدی تابعداری کردیاں ہوئے یسوع نے حیاتی دا اظہار کیتا۔

## 13- 24-19:177

پراک جھوٹ، سچائی دا مخالف، جنہوں مادے دی اصطلاح دتی جان دی اے اوہدے اثراں تے خوبیاں دانان نہیں لے سکدا، تے بدن دے ناں نہاد قانوناں نوں پیدا نہیں کر سکدا، نہ ای اک جھوٹ رب، روح تے سچائی دے خلاف کسے وی پاسیوں اہم ہوون دی طاقت رکھ سکدا اے۔

## 14- 13-11:454

بدی یا مادے وچ ذہانت اے نہ طاقت اے، ایہہ کر سچن سائنس دا مطلق عقیدہ اے، تے ایہہ اک وڈھا سچ اے جیہڑا غلطی دے سارے بہر وپاں دے پرچھے اڑا دیندا اے۔

## 15- 18:421 (توں دو جا)۔

سختی دے نال ایس وڈھی اصلیت اُتے اصرار کرینے جیہڑی ایس نیو دا احاطہ کردی اے پئی رب، روح سب کجھ  
اے تے کوئی اوہدے ورگانئیں۔ کوئی بیماری نئیں اے۔

## 16- 7-26:130

جے رب یا سچیاں دی بالادستی لئی سائنس دے مضبوط دعوے اُتے خیال چونک جان دے نیں تے چنگلیائی دی  
بالادستی اُتے شک کر دے نیں، تے کیہ ساہنوں، ایہدے اُلٹ، بدی دے زبردست دعویاں اُتے حیران  
ہونا، اوہناں اُتے شک کرنا تے پاپ توں نفرت کرن نوں فطری تے ایہنوں چھڈ دین نوں غیر فطری خیال  
کرنا، بدی نوں ہمیشہ موجود تے چنگلیائی نوں غیر موجود خیال نئیں کرنا چاہیدا؟ سچیاں نوں غلطی وانگر عجیب تے  
غیر فطری نئیں لگنا چاہیدا تے غلطی نوں سچیاں وانگر اصلی نئیں لگنا چاہیدا۔ بیماری نوں تندرستی وانگر دکھالی  
نئیں دینا چاہیدا۔ سائنس وچ کوئی غلطی نئیں اے، تے رب یعنی ساریاں شیواں دے الہی اصول دے نال ہم  
آہنگ ہون لئی ساڈیاں حیاتیاں اُتے اصلیت دی حکمرانی ہونی چاہیدی اے۔

کر سچن سائنس دے پاروں اک وار جد جھوٹی گواہی برباد ہو جان دی اے تے بدنی حس دے سامنیوں غائب ہو  
جان دی اے۔

## 17- 21-18:76

دُکھاں دے، مرن دے، تے پاپ دے عقیدے غیر اصلی نیں۔ جدوں الہی سائنس نوں عالمگیر طور تے سمجھیا جاندا اے تے اوہناں دا انسان اُتے کوئی اختیار نئیں ہندا، کیوں جے انسان لافانی اے تے الہی اختیار دے راہیں جیوندہ اے۔

## 18- 24:472 (سب)-26

رب تے اوہدی تخلیق وچ پائی جان والی ساری اصلیت ہم آہنگ تے ابدی اے۔ جو کجھ اوہ بناؤندا اے چنگا بناؤندا اے، تے جو کجھ بنیا اے اوہنے ای بنیا اے۔

## روزانہ دے فرض

میری بیکرا ایڈی دلوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔